



ԱՌԱՋՆՈՐԴԱՐԱՆ ՀԱՅՈՑ

Ա.Մ. ՆԱՀԱՆԳՆԵՐՈՒ ԱՐԵՄՏԵԱՆ ԹԵՄԻ

WESTERN PRELACY

OF THE ARMENIAN APOSTOLIC CHURCH OF AMERICA

H.E. ARCHBISHOP MOUSHEGH MARDIROSSIAN, PRELATE

Tel: 818-248-7737/8, Fax: 818-248-7745

E-mail: Prelacy@aol.com Website: www.westernprelacy.org



ՊԱՇՏՈՆԱԿԱՆ ԲԱՑՈՒՄ ԵՒ ԱՆՈՒԱՆԱԿՈՉՈՒԹԻՒՆ Ս. ՆԱՀԱՏԱԿԱՑ ԱԶԳ. ՄԱՐԻ ԳԱՊԱՅԵԱՆ ՆԱԽԱԿՐԹԱՐԱՆԻ

Ուրբաթ, 27 Օգոստոսը իբրեւ յիշատակելի թուական արձանագրուեցաւ մեր Թեմի ու Ազգային Վարժարաններու տարեգրութեան մէջ, որովհետեւ այդ օրը, տեղի ունեցաւ Ազգ. Մարի Գապայեան Նախակրթարանի պաշտօնական բացումն ու անուանակոչութեան հանդիսութիւնը:

Ծանօթ է, որ Տէր եւ Տիկին Տոքթ. Վաչէ եւ Շուշիկ Գապայեան ամուլը պատրաստակամութիւն յայտնած էր դառնալու Ազգ. Ֆերահեան վարժարանի Նախակրթարանի բաժինին բարերարը. այս մասին, Առաջնորդ Սրբազանը իր գոհունակութիւնը արտայայտող յայտարարութիւն մը կատարած էր տարեսկիզբին, Ս. Ծննդեան ընթրիքին առիթով, նշելով, որ բարերար ամուլը 500,000 տոլարի նուիրատութիւն կատարած է վարժարանին, որուն Նախակրթարանը կ'անուանակոչուի բարերարներուն հանգուցեալ մօր՝ Մարի Գապայեանի անունով:

Ուսումնական 2010-2011 տարեշրջանի վերամուտին զուգահիշող պաշտօնական այս հանդիսութիւնը սկսաւ Առաջնորդ Սրբազան Հօր օրհնութեան եւ սրտի խօսքով, ապա կատարուեցաւ վարժարանի անուանակոչութիւնը, ներկայութեամբ վարժարանի տնօրէն Տիար Ժան Գոսաքեանի, բարերարներ՝ Տէր եւ Տիկին Վաչէ Գապայեանի, Ազգային Վարչութեան, Ազգային Վարժարաններու Խնամակալ Մարմինի, վարժարանի Ուսումնական Մարմինի ներկայացուցիչներու, ծնողներու եւ այլ բարեկամներու: Կատարուեցաւ նոր ցուցատախտակին բացումը, ժապաւենի հատում եւ աղի ու ջուրի օրհնութեամբ՝ տնօրինէքի արարողութիւն: Առաջնորդ Սրբազան Հօր կ'ընկերանար Ս. Նահատակաց Եկեղեցւոյ հոգեւոր հովիւ Արժ. Տ. Ռազմիկ Զինյ. Խաչատուրեան:

Խօսք առին Առաջնորդ Սրբազանը, վարժարանի տնօրէնը, բարերարը եւ ներկայացուցչական դէմքեր:

Տնօրէնը՝ Տիար Ժ. Գոսաքեան, ողջունեց ներկաները, գոհունակութիւն արտայայտեց այս իրագործումին համար եւ խօսեցաւ Ֆերահեան վարժարանի արձանագրած նուաճումներուն մասին, վեր առնելով ուսումնական ու աշակերտական յաջողութիւնները:

Ազգային Վարժարաններու Խնամակալ Մարմինին անունով խօսք առաւ Տիկին Սօսի Յովսէփեան. ան յատկապէս շնորհակալութեան խօսք

ուղղեց բարերարներուն ու շնորհաւորեց վարժարանին անուանակոչութիւնը:

Վարժարանին Ուսումնական Մարմինին անունով խօսք առաւ Տիար Րաֆֆի Գույումճեան: Նշելով, որ նախակրթարանին աշակերտները ունին նոր համազգեստներ, ան նկատել տուաւ, որ անոնք իրենց սիրտերուն վրայ պիտի կրեն վարժարանին նշանակը: Ան նաեւ վեր առաւ հայ դպրոցին դերը՝ ընդդէմ սպիտակ ջարդին:

Առաջնորդ Սրբազանը խոր գոհունակութիւն արտայայտեց այս իրագործումին համար, ողջունեց բարերարները ու յատուկ յիշատակութիւն կատարեց Տոքթ. Վաչէ Գապայեանի հանգուցեալ մօր մասին, շեշտելով, որ այս վարժարանն ալ, ինչպէս հայկական բոլոր դպրոցները, լծուած են հայապահպանումի ու մարդակերտումի առաքելութեան:

Երախտիքի խօսք արտասանեց նաեւ Տոքթ. Վաչէ Գապայեան: Ան յիշեց, որ կանուխ տարիքէն կորսնցուցած էր իր հայրը, հետեւաբար երախտագիտութեան խոր զգացումներ ունի զինք հոգացած ու իր աճումը ապահոված մօր հանդէպ. ան ունեցած է երազ մը՝ գործնապէս արտայայտելու իր այդ զգացումները, եւ շնորհակալութիւն յայտնեց Առաջնորդ Սրբազանին ու ժողովականութեան, որոնք ընդառաջած են իր փափաքին ու իրականութեան հասցուցած՝ իր այդ երազը:

Պաշտօնական արարողութեան ընթացքին, բարերարներուն իբրեւ յուշանուէր յանձնուեցաւ նախակրթարանին նոր նշանակը, որ կը կրէ նուիրատուին հանգուցեալ մօր անունը՝ Մարի Գապայեան:

Աշակերտները պատրաստած էին գեղարուեստական կոկիկ յայտագիր մը՝ հայկական երգերով ու պարերով: Այնուհետեւ, ներկաները հիւրընկալուեցան վարժարանի «Միևսեան» սրահին մէջ, ապա, այցելեցին դասարանները, ուր ճամբայ ելած էր ուսումնական նոր տարեշրջանը:

OFFICIAL OPENING AND RENAMING DEDICATION CEREMONY OF HOLY MARTYRS MARIE CABAYAN ELEMENTARY SCHOOL

On Friday, August 27th, 2010, H.E. Archbishop Moushegh Mardirossian, Prelate, presided over the opening and renaming dedication ceremony of Holy Martyrs Marie Cabayan Elementary School. He was accompanied by Pastor of Holy Martyrs Church Rev. Fr. Razmig Khatchadourian.

As reported previously, and as announced by the Prelate during this year's Christmas Dinner, Dr. and Mrs. Vatche and Shoushig Cabayan donated \$500,000 to the school in memory of their mother Marie Cabayan.

The ceremony, which coincided with the commencement of the 2010-2011 school year, began with the Prelate conveying his blessings and well wishes. Participating in the ceremony were Principal Mr. John Kossakian, benefactors Dr. and Mrs. Vatche and Shoushig Cabayan, representatives of the Executive Council, Board of Regents and School Board, parents, and friends. The ceremony encompassed the unveiling of the new school sign and the

cutting of the ribbon by the benefactors, and the blessing of salt and water by the Prelate.

Principal Mr. Kossakian welcomed all those in attendance, and expressed his joy and pride on this occasion and for all the successes of the school.

On behalf of the Board of Regents, Mrs. Sossi Hovsepian thanked the benefactors and congratulated the school administration.

School Board Chair Mr. Raffi Kuyumjian also delivered his remarks, in which he exalted the role of the Armenian School.

The Prelate saluted the benefactors, expressing gratitude to them, paid tribute to Dr. Cabayan's mother, and stressed that this school, like all Armenian Schools, is deeply committed to preserving and fostering the Armenian heritage and building character in our youth.

Dr. Cabayan was then invited to convey his thoughts and remarks on this occasion. Dr. Cabayan spoke of how he lost his father at a young age and expressed his gratitude to his mother who was left to raise him singlehandedly. He said that it was his dream to honor his mother in some way, and thanked the Prelate and school administration for making that dream a reality.

As a token of appreciation, the benefactors were then presented with the school's new logo which bears the name of the their late mother Marie Cabayan.

A cultural program of songs and dances was presented by the students, followed by a reception at the school's "Minassian" Hall. The day concluded with a visit to the classrooms which were already in session.